


मस्तयुगु नितिं बाइबल न्हयव्वया

येशू व लाजरस



चवमि: Edward Hughes

किपा: Janie Forest
Alastair Paterson

न्हयव्व:म्ह: Ruth Klassen

भाय् ह्यूम्ह: Mr. Prem Maharjan

पिकाक: Bible for Children
www.M1914.org

©2024 Bible for Children, Inc.

अनुमति पो: थव सत्य बाखं सितिके इना बीत जक थुकिया खंगव:त कायेफु,
अले छापय् यायेगु नितिं अनुमति नं ब्यूगु ख: तर थव सफू ध्यबा कया मिडत मखु।


1

मरियम व मार्था चिन्ता कया चवन। इमि किजा
लाजरस तसकं म्हंमफया चवन। वया
ततापिनि लाजरस याकनं हे
सिनांवनिन धका चवन।
अथे जुया: इमिसं येशूयात
स:तके छुवत। प्रभुं व
चिधंगु परिवारयात
बेथानि निसें हे माया

याना वया
चवंगु ख:।

2

येशू लाजरसया बारे न्यस्यंलि वय्कलं चेलातयत् थथे धयादिल, “थ्व ल्वय् सिनावनिगु ल्वय् मखु।” येशू तापाक्क हे चवनादीसां वय्कलं लाजरयात छु जूगु खः व फुक्कं स्यू।



3

वय्कः चवनादीथाय् हानं निन्हु अप्वः चवनादिल। अनंलिपा वय्कलं चेलातयत् छु हे धयामदिल गुकिं याना चेलात अलमल जूगु खः। “लाजरस सित, जि अन मदुगुलिं छिमिसं विश्वास या।” थ्व अजूचायापुगु खं वःया अथे छु जुइ? येशू छु योजना दय्कादीगु दु?



4

वय्कः
बेथानी झाबलय्
लाजरस सीगु प्यन्हु
दय्धुंकल। वयागु शरिरयात
कापतं हिना चिहानय्
तयातःगु खः।



5


मार्था येशूयात नापलायत् वन। “छिमि किजा हाकनं म्वाना वइ।” धकाः वय्कलं धयादिल। “खः! दकलय् लिपायागु दिनय् सीपिं म्वाना वइबलय् व नं म्वाना वइ धकाः जिं नं स्यू।” मार्था धाल। वं थथे बिचाः याःगु खः, वं थः किजायात स्वयेगु नितिं अन्तया दिं पिवाः चवनेमानि। तर येशू



धयादीगु
थुकिया
अर्थ मेगु
हे दु।


6

येशू वयात धयादिल, “सीम्ह म्वाकीम्ह व जीवन बीम्ह जि हे खः। जितः विश्वास याःम्ह मनू सीसां म्वाना वइ।” मार्था येशूयात विश्वास यात। वं वय्कः परमेश्वरया काय् धकाः म्हसिकल। तर वय्कलं गुकथं ग्वाहालि यात?



7

अन च्वंपिं फुक्कं निराश जुया च्वन छायाधाःसा लाजरस सीधुंकूगु खः। वया तता मरियम ख्वया च्वन। अथे जुयाः वया पासापिन्सं वयात ह्यय्का च्वंगु खः। येशू नं ख्वयादिल।



8

येशू मनूतयनापं चिहानयु
वन। तःग्वःगु छग्वः ल्वह
चिहानया लुखाय् ताया
तःगु दु।



9


येशू धयादिल, “ल्वँयात चीकाछ्व!”
“हे प्रभु, थ्वइलय् तकला व
नवयेधुंकल जुइ, छायाःसा
सीगु प्यन्हु दय्धुंकल,”
धकाः मार्था
धाल।



10


येशू मनूतयत धयादिल
ल्वँ चिकाछ्व। अनंलिपा
येशू स्वर्गय् च्वनादीम्ह थः
बौयाके प्रार्थना यानादिल।
येशूयात परमेश्वरं
छ्वयाहयादीगु खः धकाः
क्यनेत परमेश्वरं

अजूचायापुगु
ज्या यानादिल।



11

“अय् लाजरस,
पिहां वा।” येशू तसलं
धयादिल। येशू सीधुंकूम्ह
मनूयात नं म्वाके फइकला?
धकाः मनूतयसं क्वथीक
छक्क जुया चिहानय्
स्वयाच्वंगु खः।



12

धात्थें!
सीम्ह
लाजरस
छयंननिसे
तुतिइ तक
सुतिकापतं
हिनातसां
पिहां वल।



13

“वयाके
च्वंगु कापः
पयना ब्यु,
अले वायत
वने ब्यु,
धकाः येशू धयादिल।” गज्याःगु
खुसि अन! ख्वबि खुसिइ हिल।
येशू थम्हं धाःगु वचन पूर्वकादिल।
लाजर हाकनं म्वाना वल अले
परमेश्वरया काय् नं जक सीगु
पाखें म्वाकादी।



14

यक्व मनूतय्सं थथे जूगु खन अले इमिसं येशूयात विश्वास नं यात। तर अप्वः मनूतय्सं देगःया पुजाहारीतय्त थ्व खँ कनाबिल। गुम्ह येशूया शत्रु खः। अले इमित डाहा जुया

येशूयात स्यायेगु नितिं ग्वसाः ग्वल। थ्व खँ येशूं सिकादिल अथे जुयाः छुं लिपा वय्कः अन झायादिल।



15

येशू व लाजरस

मस्तय्गु नितिं बाइबलया खँ न्ह्यब्वेया थ्व परमेश्वनरया बचन बाइबलपाखें काःगु सत्य बाखं खः गुगु

यूहन्न ११

“छिगु वचन थुइकाबीबलय् जिमित जः दइ।”

भजनसंग्रह ११९:१३०

16

क्वचाल

52



60

17

बाइबलया थ्व सत्य बाखं नं झी अजुचायापुम्ह परमेश्वरया बारे कनाबी सुनां झीतः दय्कादिल। छं वय्कःयात म्हसिमा धकाः वय्कलं इच्छा यानादी।

झीसं मभिगु ज्यात यानागु दुसा परमेश्वरं सिइका कायेफु गुकियात वय्कलं पाप धयादिल। पापया सजाय मृत्यु खः, तर परमेश्वरं झीतः यक्वः माया यानादिल ताकि झीगु पापया नितिं कूसय् सीना दुःख कष्ट फयेत वय्कलं थः याकः काय् येशू प्रभुयात थ्व संसारय् छवयाहयादिल। हाकनं येशू प्रभु म्वानाः झायादिल अले स्वर्गय् थःगु छँ झायादिल। थौं झीसं प्रभु येशूयात विश्वास यात धाःसा झीगु पाप क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी। अले वय्कः झीगु नुगलय् दुहांझायादी अनलि झीपि सदां वय्कः नापं हे चवनाचवनी।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः प्रार्थना याः यःम्ह प्रभु येशू, छि हे परमेश्वर खः, जिगु पापया नितिं सीनादीत छि मनु जुयाः थ्व संसारय् झालं अले हाकनं स्वन्हु दय्काः म्वानाझाःगु खः धकाः जि विश्वास याये। दयायाना जिगु जीवनय् झायादिसँ अले जिगु पापत क्षमा यानादिसँ ताकि जि न्हगु जीवन काये फयेमा अले न्ह्याँबले छि नापं हे चवना चवने फयेमा।

छिगु आज्ञा मानय् यायेत व छिगु सन्तान जुइत छिगु नितिं म्वायेत जितः ग्वासहालि यानादिसँ। आमेन।

न्हिया न्हि थं बाइबल ब्वनेगु या अले परमेश्वर नापं खलाबला या। यूहन्न ३:११

18